

天津縣志卷之十三

風俗物產志

自古陳詩觀風命市納賈上以定民志下以順物性文質之殊瘠沃之辨哲王慎之天津斥鹵之區於地為瘠然嗇於陸者富於水又內河外海舟楫交會之境百貨麋至於民為不貧夫捨其本業艷於末利雖地勢使然亦習俗之移人也書曰惟土物愛厥心臧居是邦者宜知所重矣志風俗物產風俗

天津近東海永樂初始闢而居之雜以閩廣吳楚齊

天津縣志

卷之十三

風俗

一

梁之民風俗不甚純一

王鶚三義沽舊碑

地當衝要人雜五方

重修分司署記

民性淳良俗皆敦樸以農桑為先務以詩書為要領

天津衛舊志

貴德恥爭民淳訟簡近來五方雜處逐末者眾訟獄

繁興習尚奢靡

同上

天津舊為軍衛之區俗尚武健比年以來禮教日興

士習日淳科第接武為諸邑冠

天津為九河下游可耕之地固少聚處之族實繁且

為水陸通衢是以逐末者眾

歲時 立春食蘿蔔謂之咬春先一日迎芒神按
歲建干支之色作土牛名曰迎春民間設宴啖春
餅正月元旦昧爽長幼皆起盛衣冠設香燭拜天
地先祖父母以次而及同食角子取更新交子之
義親友詣門互拜數日交相宴會名曰請春酒
上元日號爲燈節通衢張燈結綵放花炬遍地歌
舞餽糯丸食之曰元宵

二十五日羅灰於地作圜形名曰打圜中置諸穀
少許曰填倉爲豐兆

二月初二日以灰末引青龍至門外通水處復以

天津縣志

卷之十三 風俗

二

穀糠末引黃龍至家名曰引錢龍食煎餅煎糕粉
三月清明男婦各上墳陳祭品焚紙錢增土於塚
上哭新鬼尤慟

四月邑人就農業初八日佛誕辰以蠶豆飼行人
日結緣

五月端陽節貼門符插蒲艾食角黍飲雄黃酒繫
兒以綵線曰長命縷又採百草爲膏

六月六日曝晒書帙衣服稽古寺作曝經會初伏
日食麩

七月七日女子以花針浮水上覘其影曰乞巧十

五日祀祖先廟中修蘭盆會放河燈路燈

八月中秋節陳瓜果月餅拜月

九月九日登高尋菊

十月初一日祀祖先作五色紙衣焚之日送寒衣

十一月冬至日拜賀如年節禮

十二月初八日以米豆棗栗雜煮之曰臘八粥兼
飼貧人

二十四日備糕飴祀竈除夕前多嫁娶除夕祀先
祖拜尊親曰辭歲有夜飲不寐者曰守歲

冠禮 久廢不行

天津縣志

卷之十三

風俗

三

婚禮 不拘六禮但以通媒爲定親迎者少女以
黎明冠髻入門合卺三日拜天地謁家廟拜舅姑
伯叔以次而及婦家餽三日

喪禮 親初歿男婦哭奠於城隍廟土地祠三日
送路五日成服紳士家遵行家祭禮發引前一日
士庶均行祖奠殯期用紙絹紮綵糜費不一事近
於奢鼓手擯夫分佔地方爲喪家害康熙六年十
月間經天津道張汧出示嚴禁聽從民便不許仍
前把持刁措遂杜其患

祭禮 元旦清明七月望日十月朔日或奠墓或

家祭

物產

穀屬

黍 有赤黍黑黍黏者別名秫北人謂黃米亦謂之

黃糯 爾雅翼

稷 冀北謂之纂俗呼為糜本草黏者為黍不黏者

為稷北方地寒種之有補 廣羣芳譜

稻 有秔有糯北方以為佳品北方地平惟澤土宜

旱稻種類甚多 同上

粱 北方直名之曰穀脫殼則謂之小米北人日用

天津縣志

卷之十三 物產

四

不可缺者粟中之大穗長芒而有紅毛白毛黃毛之品者即粱也 同上

按韻會小補云粱粟類正字通李時珍曰粟即

粱也河間府志謂粱穀粒圓其種有竹根青金

蠶兒金苗兒水裏紅耙齒金大葉黃羅裙帶朱

裏紗箭稗白子母齊龍瓜金齊頭白壓車翻靠

山黃等名

麥 小麥具四時之氣春種者曰春麥大麥仁可作

飯生芽可作餈 畿輔通志

小麥有春秋二種大麥有米大麥一名白麥稗薄

而脆以手搯之即成粉故冠以米字河間府志

蕎麥 北人作餅餌日用以供常食農人以為禦冬

之具廣羣芳譜

按蕎麥一作莠

蜀秫 紅白二種俗呼高糧畿輔通志

蜀秫在北方地不宜麥禾者乃種此尤宜下地農政

全書

大豆 戎菽大豆也爾雅疏

北方其地宜菽淮南天文訓

大豆有黑白黃褐青斑數色本草

天津縣志 卷之十三 物產 五

黑豆中最細者名櫓豆一日料豆農政全書

玉秫米 葉似秫實生節間一株可結數穗

小豆 有赤白二種畿輔通志

豌豆 種出西戎北地尤多廣羣芳譜

按天津衛志謂豆中所產尚有黃豆白豆紅豆

豇豆菜豆等種而河間府志又載有龍眼豆狐

狸豆麵豆等名爰附錄之以備叅攷

脂麻 俗作芝麻畿輔通志

稗 有二種一黃白一紫黑紫黑者芑有毛北人呼

為烏禾爾雅翼

糝 北地荒陂處種之苗葉似穀穗如粟穗而分數歧碾米煮粥蒸食皆宜 廣羣芳譜

按糝一作糝卽稊稗也

蔬屬

芹 有園芹野芹水芹 畿輔通志

秋深最茂 河間府志

菘 北方多入窖內不見風日長出苗葉皆嫩黃色

脆美無滓謂之黃芽乃白菜別名 廣羣芳譜

按河間府志云菘卽白菜

萵苣 莖如筍俗呼萵筍 畿輔通志

天津縣志

卷之十三 物產

六

茭白 子卽菰米 河間府志

按天津近產茭白脆美肥白不減江南

菠菜 一名赤根 畿輔通志

按東坡詩北方苦寒今未已雪底菠薐如鐵甲

所咏卽此也

山藥 一名薯蕷

蔓菁 一名蕪菁 畿輔通志

葑蕪菁幽州人或謂之芥 草木蟲魚疏

蔓菁南北通有之北土種之尤多 爾雅翼

一名辣菜一名臘菜 廣羣芳譜

蘿蔔 一名萊菔 一名紫花松 處處有之 北土尤多

狀有長圓二種 根有紅白二色 可生可熟 可菹可

齏 又有葫蘿 水蘿 蔔 廣羣芳譜

旱蘿 蔔 色紅形圓而大 天津衛志

蒲筍 肥者堪食 河間府志

茗蓬 一名恭菜

玉環 一名甘露 俗名滴露 畿輔通志

莧 有紅白二種

按詢芻錄云 北人呼苳乃莧音誤也

黃花菜 一名金針

天津縣志 卷之十三 物產

擘藍 南方謂之芥藍 葉可擘食 故北人謂之擘藍

葉大於松根 大於芥 薑苗大於白芥子 大於蔓菁

廣羣芳譜

葛港菜 類蒲菜

羊肚菜 形似羊肚 故名

灰藿 一名灰滌 今訛為灰條 處處原野有之 廣羣芳譜

茄 又水茄 宜生食 畿輔通志

瓠 俗名壺蘆 一作葫蘆 可挹可食

王瓜 出燕京者 佳種之火室中 通生花葉 二月初

即結小實 學圃餘蔬

甜瓜 一名甘瓜本草綱目云味甜於諸瓜故名

蘑菇

香瓜 較甜瓜差小味尤香甜天津衛志

菜瓜 北方名苦瓜色青質脆可生食苦者可作菹

廣羣芳譜

按天津衛志所載瓜類尚有南瓜冬瓜一名東瓜絲瓜中瓜四種今據所產又有倭瓜一名北瓜一名稍瓜

蘇 無紫者不大芬河間府志

茶 一名苦菜

天津縣志 卷之十三 物產

八

蒿菜

銀條菜

藕 幽州謂之光旁謂光如牛角草木蟲魚疏

地梨

蘘香 一名八月珠土人名曰小茴香畿輔通志

椒

秦椒 以產秦地故名今北方秦椒另有一種廣羣芳譜

蔥 有四種曰凍曰胡曰漢曰荅

蒜

韭

菱

城西產紅菱甚佳

趙賢秋晚詠紅菱調寄滿庭芳詞蓮葍都枯芡房已老水

鄉風味將殘試尋秋浦葍影迷漫剩有殷紅兩角荒陂外嫋嫋絲寒應留伴橙兄橘弟小艇賣來看記五湖放櫂烏篷采取柁底交餐悵陽阿歌杳誰罄清歡今日絳襦重解霜華冷疑借楓丹無端感故園豆莢不得共登盤

芡

俗名雞頭米

西瓜

味淡而多液本燕北種

范石湖詩注

花屬

牡丹

朱岷寶林菴看牡丹詩春色不到處異花開更紅潤侵雙樹露香轉一幡風誰說依僧淡還疑借日烘糟牀新酒熟入社有陶公

天津縣志

卷之十三 物產

十

芍藥

水仙花

又雙瓣者名鹿葱

丁香

紫白二種

榴花

燕中榴花有千瓣白千瓣粉紅千瓣黃千瓣

大紅單瓣者比他處不同中心花瓣如起樓臺謂

之重臺石榴

遵生八牋

桃花

有山桃園桃惟千葉碧桃為最

李花

又郁李花有粉紅有白

杏花

梨花

荷花

北方人以藕為荷亦以蓮為荷

爾雅注查復昌藕香榭觀

荷詩別墅冠西沽疏鑿出泉石入夏菡萏敷照眼殊婉孌看花興不淺一旬三整屐矧作追暑遊兼逢竹林客苛禮略寒暄忘形脫巾幘闌干屈曲抱俯池布瑤席白波卷碧筩青房擘芳蒨瀟瀟微雨過涼意入欄滴須臾斜照明樹陰綠上壁取徑轉石橋幽芬媚烟夕松岑騁遐覽墟落濕雲羃還助李淀遊櫂頭船共刺

葵

有冬葵戎葵菟葵向日葵黃葵錦葵蜀葵諸

種

畿輔通志

探春

白玉紫香二種

薔薇

一名薔藤

月季

俗呼月月紅

天津縣志

卷之十三 物產

十一

玫瑰

有二種其一種色黃出燕中花稍小於紫玫

瑰

遵生八牋

木槿

一名椴一名櫬白曰椴紅曰櫬

紫藤

可以作蔬

迎春

紫荆

紫薇

北人呼為猴郎達樹謂其無皮猴不能捷也

北地其樹絕大有環數夫臂者

酉陽雜俎

金粟

俗呼萵苣蓮亦名鶯粟即米囊花

虞美人

一名滿園春千葉者佳

學圃餘疏

秋海棠

長春 俗呼金盞

石竹 一名石菊又名洛陽花叢生花色數十種

火毬 色紅朶圓故名

鳳仙 一名指甲花俗呼海蔘其色數種

玉簪 處處有之一名白萼一名白雀仙一名季女

金簪 一名黃簪

翦春羅 一名碎翦羅又翦秋羅名漢宮秋色

竹竿青 葉似竹花藍色

山芥花 春時花開極繁緣坡接澗到處叢生色青

天津縣志

卷之十三

物產

十三

紫蔬食最美

珍珠花 色白細朶

望江南 卽石厥明

黃刺藤

雞冠 有紅白二種

天津衛志

接近今所見雞冠五色皆備

轉枝蓮 蔓生花粉紅色

十姊妹

江西蠟 其色藍形似菊而瓣單

天津衛志

按江西蠟卽淵明菊色不一類

金鈴 色黃卽野菊花白者名銀鈴

六月菊 黃心藕合瓣有重紋自六月開至秋都人

因名之 苑西集

菊 有白牡丹娃娃面太師黃太保黃等名 天津衛志

按天津近有洋菊種凡數十移植不變穠艷逾

常

僧鞋菊

合歡花 俗呼馬纓

荷包牡丹 卽當歸花一名朝鮮牡丹

金錢花 一名子午花俗呼夜落金錢

天津縣志

卷之十三 物產

三

萱花 一名紫萱一名孤挺花

夜合

金含英夜合花詩朝來紅艷儘教看底事燈前欲見難應是名花深自愛五更風雨怕摧殘

蓼花 好生泥淖中其花纍纍可愛 天津衛志

按蓼花卽水葒花有紅白二種天津衛志作水

蓬花殊誤

金雀花 色黃又白者名銀雀花

牽牛花 俗呼紅娘子

馬蘭 生道旁似蘭而大色藍無香

木屬

松 冀州其利松栢 周禮職方氏

栢 見上

竹 植者頗多較他處莖葉稍細春時迸蘄味苦不

可食吳廷華水西莊竹詩二首土宜河北少移種水西新月淡烟生影窻虛風有人窟深出濃

蔭雷動忽殘春坐嘯可終日孤清托海津竹王有分土相望作三區洋灑意不盡深濃勢欲扶悠然

習清衛高絕眇長蘆試問黃初客澄懷得似無

樅 松葉栢身

檜 一名栢栢葉松身

桑 幽州人以桑甚為糧容齋三筆

北方有白桑甚長數寸食之甘美異苑

榆 江南有刺榆無大榆蓋大榆北方有之爾雅翼

天津縣志

卷之十三

物產

十四

榆 一名粉皮可充饑河間府志

楊 北方材木全用榆槐楊柳人多種之廣羣芳譜

柳

椿 芽可充蔬有香臭二種

檉 俗名西河柳性浮為舟可以負重河間府志

槐 又一種曰龍爪

杜 即杜梨一名甘棠可任剗河間府志

楸

卉屬

蘆 蘆葦本一物北人以水旁下濕生者為葦其細

不及指人家園池間所植者為蘆其幹差大深碧
色者為碧蘆丹鉛錄

艾 有家野二種

蒲 水生葉如劍形河間府志

水蔥 形長色碧可為扇

女蘿 一名金線草

靛草 汁藍可染帛

麻 雄者為臬雌者名苴有縹麻火麻

按河間府志火麻又名線麻黃麻爾雅翼云縹
或作蒞唐本草縹麻作苧麻

天津縣志

卷之十三 物產

五

茅 茅地經冬燒去枝梗至春取土中餘根色如玉
者搗汁煮之至甘可為洗心糖幽燕紀異

烟草 閩產者佳燕次之食物本草

老少年 一名十樣錦

菖蒲 又石菖蒲細葉九節

洛神珠 一名酸漿俗呼紅姑娘

仙人掌 本閩種今天津亦間有之

藥屬

紫花地丁 一名箭頭草一名獨行虎一名羊角子
其葉似柳而微細夏開紫花結角平地生者起莖

溝壑邊生者起蔓本草綱目

天仙子

蛇牀子 本草經一名蛇米一名思益一名繩毒一

名棗棘花葉似蘼蕪

葶藶 實葉皆似芥一名狗薺
爾雅注

車前子 即芣苢幽州人謂之牛舌草
爾雅翼

赤色兒

榆白皮

馬前草

地黃 一名地髓一名芣本草衍義云北人謂之牛

天津縣志

卷之十三 物產

七

奶子

蒲黃

菟絲子 埤雅在木為女蘿在草為兔絲

北蒺藜 楚辭作蒼一名茨其刺傷人甚疾而利也

桑白皮

蘇子 子與葉同功發散風氣用葉清利上下用子

宋氏種植書

芒硝

蟬蛻

海螵蛸

牡蠣

金銀花 一名金絲藤 一名忍冬

金絲荷葉 枸杞 薄荷 夏枯草 甘草

貨屬

鹽 大海去城百餘里歲出百萬之課民獲與販之

利魚鹽之藪也

天津衛志

按漢書地理志章武縣設有鹽官

鱸 括鱸土煮食者杖

金史地理志

酒 多以菊名

蜜 山蜜多白家蜜多紅

畿輔通志

天津縣志

卷之十三 物產

七

棉花

布

禽屬

燕 有胡燕越燕二種春時來巢

亡名氏久客天津春日見社燕北來

感賦詩紅襟簾底語啾啾豈有文章耀九苞多謝主人勤護惜年年畫棟為安巢

按天津有土燕無紫領巢於野外似越燕而小

雁 北方白雁似鴻而小色白

爾雅翼

鷹 在北為鷹在南為鷂一云大為鷹小為鷂

爾雅翼

土鶴 形似鶴而小灰色

鶻 拳堅處大如彈丸俯擊鳩鴿食之

鵝

雞

鶩 卽鴨也有家鴨野鴨
本草正誤

鳧 野鴨爲鳧尸子

鸛 有兩種似鵠而巢樹者爲白鸛黑色曲頸者爲

烏鸛本草集解

鷓鴣 水鳥大如鳧鶩

鷺鶩 卽春鋤色白頂有長絲故名

黃鳥 一名倉庚一名楚雀幽州謂之黃鸞草木蟲魚疏

布穀 鳴鳩卽布穀

天津縣志 卷之十三 物產

烏 鴉之別名種類甚繁北人喜鴉而惡鵲南人喜

鵲而惡鴉禽經

鵲 鴟醜其飛也爾雅

鳩 鳴鳩深目目上骨露出幽州人謂之鶩雛鴉鳩

幽州人謂之鷓鴣草木蟲魚疏

按風土記云祝鳩卽反舌也

相思鳥

桑扈 一名蠟觜

鷓鴣 一名鷓鴣一名鴛

鷓鴣 俗呼巧歸幽州謂之鷓鴣草木蟲魚疏

地鴇 似雁無後跡

阿鷗 聲似畫眉能學各語似山鵲而小

北畫眉 一名灰串

啄木鳥 一名鴛

鵲鴿 飛則鳴行則搖爾雅

白翎 雀屬又一種名紅翎

翠雀 多生水際胡忠楨咏翠雀詩山禽愛顏色毛羽長鮮新暮棲瓊林側晨浴瑤池

濱羅人折其翼致作閨房珍黃金相映耀配以珥琪珣物微足憂患蘭茗生荆榛桂香還自伐象齒焚其身君看烏衣燕常宿梁間塵

瓦雀 俗呼老而斑者曰麻雀小而黃者曰黃雀本草

天津縣志

卷之十三 物產

九

名釋

靛雀 大似瓦雀土人呼為白白回回畿輔通志

桃雀 狀類黃雀而小禽經

姑丁

鐵甲

紅料 又有黃料麻料二種

鴿

天鷲 出海下

獸屬

馬 冀之北土馬之所生左傳

羸 北方或曰罔廣志

驢

牛 冀州其畜宜牛羊周禮職方氏

羊 見上

豕

犬

猫

兔 大如狸而毛褐形如鼠而尾短耳大而銳上唇缺而無脾長鬚而前足短尻有九孔趺居趨疾善

走本草集解

天津縣志

卷之十三 物產

三

狐 有黃白黑三種

狸 有數種大小如狐

狼 牡獾牝狼其子獾絕有力迅爾雅

鼠

鱗屬

鯉 燕人鱠鯉方寸切其腴以啗所貴山谷別集

銀魚 十一月有天津衛志

按有冰鮮一種類同銀魚味腴美以生於冰中故名

鯽 卽鮒魚埤雅

鱸

鮎

羊魚 天津出形圓尾似牛尾多刺手不可觸畿輔通志

白魚

鯖

回網魚 不受釣餌遇網即回漁人以叉得之味腴美冬時有俗訛回黃

鱸

鰻

魴 青鰻也細鱗縮項濶腹其廣方其厚扁故一日

天津縣志

卷之十三 物產

三

魴 一日鰻埤雅廣要

鱣 似魴而鱗弱其色白北土皆呼白鱣埤雅廣要

魯魚 天津四月以後出海畿輔通志

魴

鰻

巨羅 細鱗多刺天津呼為騰香魚畿輔通志

鱧 呼名黑魚一名七星

黃花魚

白條 似銀魚而身細肉薄乾可以蓄俗曰麵條天

津出畿輔通志

鯁

鰕魚

鱖

鮫魚 出海中

比目魚 土人呼為鞋底魚析津日記

石鱧

燕魚 春時有故名

鱮魚

鯊魚 瓶魚

按津邑瀕海區也民以鹽為業魚利與鹽同所

天津縣志

卷之十三 物產

三

捕魚不下三十種每歲穀雨後芒種前漁人駕

舟出海口捕魚有船約三百號一為採捕船一

則接運入口者其數各半沿海之民藉以為生

是亦農人三時之有秋也

河豚 脊血及子有毒其白名西施乳三月間出味

為海錯之冠朱彝尊河豚歌天津之水連北溟七十二沽漩迴汀漁師乘春漾極浦舫

舫葉葉輕於萍河豚此時舉網得活東大小同賦形賣不直錢棄可惜堆置更比凡魚腥南人見之

莞爾笑是物足勝通侯鯖葦蒲束取十百輩馬馱車載兼手拎晨興主人食指動忽觀兩縛陳吾庭

客來疾呼莫莫亟當投異煩丁寧食熊者肥食

蠢瘦豆令人重榆則瞑彼猶無傷此獨甚犯之不異衝鈴釘主人語客且安坐吾言物理君試聽人

生一死各有候韭英棗華木葉零即如飲啄亦分

定鼎腹豈必堅關局雖云甘脆腐腸藥不聞茹藿
長延齡茲魚信毒種乃別臑胸有法食有經或如
燕子尾涎涎或如束帶腰黃鞋今之饋者皆不爾
安用荷錘蕕邱冥扶精刮膜漉出血如鼈去醜魚
乙丁磨刀霍霍切作片并華水沃雙銅瓶薑芽調
辛椒攪醉荻筍抽白萋蒿青曰長風和竈觚淨纖
塵不到晴牕櫺重羅之麵生醬和凝視滓汁仍清
冷吾生年命匪在卯奚為舌縮箸蠲停西施乳滑
恣教齧索郎酒釀未願醒入唇美味縱快意累客
坐久心方寧起看牆東杏花放橫參七點昏中星

金魚

魚子

津門所饒

河間府志

鮶 魚鹽之地所出甚饒

介屬

蟹 秋間肥美甲天下

天津衛志

天津縣志

卷之十三

物產

三

鰕 有虹鰕線鰕對鰕

天津衛志

龜

鼈 三足曰能

爾雅

蛭 俗名裙帶者味極美

螺

螺小者蝸

爾雅

蚌

蛤 有海蛤文蛤青蛤白蛤等種

按山堂肆考云毛蛤曰蠍蠅尖蛤曰齊蛤小蛤

曰蠹薄蛤曰蚌稜蛤曰蚶蓋其形殊故名亦不

一又說文云海蛤百歲燕所化文蛤表有文

蚘 見上

白蜆 又一種名黃蜆

鰕米 白色者為銀米小而紅者為金鈎米大者味淡為上

鰕醬

蟹醬

附

蛙 一名蝦蟆一名蟾蜍本草

青雞 俗呼田雞

蟲屬

蜂 有土蠶蜜蠶馬蠶各名

天津縣志

卷之十三 物產

二

蝶 一名野蛾一名風蝶又有鳳子鳳車等名崔豹古今注

螢火 一名夜照一名熠燿一名據火一名景天一

名挾火呂氏本草

蜻蜓 方言注云蜻蜓一名螂蛉說文云一名負勞

螳螂 俗呼刀郎燕趙之際謂之食龐其子名螻蛸

爾雅疏

蟬 土人呼為螂繆

蟋蟀 似蝗而小正黑光澤幽州謂之促織草木蟲魚疏

蚓 一名蜜蠶一名曲蠶善長吟於地中崔豹古今注

蝙蝠 北燕呼曰蠟蠓方言

蚊

蠅 爾雅云蠅醜扇好搖翅也

蠶 燕代田蓄而事蠶史記貨殖傳

蟪蛄 卽寒蟄

螞蚱 本名蟲螞津人多食之

莎雞 一名絡緯崔豹古今注

幽州人謂之蒲錯草木蟲魚疏

螽斯 蝗類色青長角長股股鳴者也同上

蠶 北燕謂之螻蛄又一種扁薄貼壁間北人呼

天津縣志

卷之十三 物產

五

為壁繭又蠨蛸長脚著人衣則有喜幽州謂之親

客方言

蛾 爾雅云蛾羅也孫炎正義云蛾是雌羅是雄

蝸 小牛螺也卽負殼蜒蚰

蜥蜴 在草曰蜥蜴在壁曰蝮蜒說文

北燕謂之祝蜒方言

螳 大者為蚘蟀小者為蛾蚱詞林海錯

蠹 蠹幽州謂之蠹草木蟲魚疏

蟬 卽蠹魚

花牛 形小色黑背有白點二鬚有節

一 蠓 蠓 一名蝓 蠓 一名弄丸 一名轉丸 崔豹古今注

蚰 甚少間有之

蜈蚣 北燕謂之蛆 蜈大者謂之商距 一名馬陸 毛詩

名物解

螻蛄 今人謂之土狗 北人謂之地螻 爾雅翼

蟻 蝨 卽蚰蜒 北燕謂之蚰蛄 方言

螺 贏

蟻 螯

天津縣志卷之十三 終

天津縣志

卷之十三 物產

三